

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO DOBOJSKOG KANTONA  
Broj: T04 0 KT 0055976 23  
Zenica, 10.12.2025. godine

OPĆINSKI SUD U VISOKOM  
- Sudiji za prethodno saslušanje -  
VISOKO

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, podižemo

O P T U Ž N I C U

Protiv:

**F. A.** , osuđivan,

što je:

dana 11.11.2023. godine, oko 21,30 sati, u mjestu ..., grad V., suprotno odredbama člana 4. stav 1., 2., 3. i 5. u vezi sa članom 20. Zakona o sprečavanju i suzbijanju zloupotrebe opojnih droga BiH, iako je bio svjestan da je držanje opojne droge radi prodaje zakonom zabranjeno, ali je to i htio, pa je neovlašteno radi dalje prodaje držao opojnu drogu „cannabis“ poznatiju kao „marihuanu“ upakovanu u bijelu papirnu vrećicu neto mase 0,349 grama, koja droga je pod rednim brojem 13. liste opojnih droga i rednim brojem 26. liste psihotropnih tvari iz Tabele I „Zabranjene tvari i biljke“ proglašena kao takva, bijelu papirnu vrećicu i u njoj dvije tablete sa opojnom drogom metilendioksimetamfetamin (MDMA-Ecstasy) koja droga je pod rednim brojem 12. liste psihotropnih tvari proglašena kao takva, kao i opojnu drogu „amfetamin“ poznatiju kao „speed“ koja se nalazila u tri prozirna pvc paketića vezana u čvor, neto mase 7,350 grama, a ta droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom, a droga je pronađena prilikom pregleda od strane policijskih službenika PS V., prilikom pregleda vozila u skladu sa članom 25. Zakona o policijskim službenicima ZDK F BiH,

dakle, neovlašteno radi dalje prodaje držao opojnu drogu,

čime je učinio krivično djelo Neovlašćena proizvodnja i stavljanje u promet opojnih droga iz člana 238. stav 1. KZ F BiH.